



REGIONE AUTONOMA DE SARDIGNA
REGIONE AUTONOMA DELLA SARDEGNA

SU PRESIDENTI

Prot. n.16/EM

ORDINÀNTZIA N. 41 de su 16 de Austu 2020

OGETU: Atras medidas straordinàrias apretadas de arrèscida e prebènnida de sa spratzinadura epidemiològica de COVID-19 in su territòriu regionali de Sardinia. Ordinàntzia chi sighit s'art. 32, comma 3, de sa lei 23 de Mes'e Idas 1978, n.833 a pitzu de igiene e sanidadi pùblica.

SU PRESIDENTI

BIU s'art. 32 de sa Costitutzioni;

BIU su Statutu Spetziali po sa Sardinia e totus is normas de faidura imbordigadas;

BIA sa lei regionali 7 de gennàrgiu 1977, n. 1 chi narat "*Normas a pitzu de s'organizazioni aministrativa de sa Regioni Sarda e a pitzu de is cumpetèntzias de sa Giunta, de sa Presidèntzia e de is Assessoraus regionalis*";

BIA sa lei 23 de Mes'e Idas 1978, n. 833 "*Apariciadura de su servìtziu sanitàriu natzionali*" e in manera particolari s'art. 32 chi narat "*su Ministru de sa Sanidadi podit spratzinai ordinàntzias de caràteri contingibili e apretau, a pitzu de igiene e sanidadi pùblica e de politzia veterinària, cun profetu amanniau a totu su territòriu natzionali o a una parti de una pariga de regionis sceti*", cumenti puru "*in is pròpias allegas funt spartzias de su presidenti de sa giunta regionali e de su sìndigu ordinàntzias de caràteri contingibili e apretau, cun profetu amanniau rispetivamente a sa regioni o a una parti de su territòriu cosa sua, chi imbòrdigat prus comunus, e a su territòriu comunali*";

- BIA sa de craratzioni de s'Organizatzioni mundiali de sa sanidadi de su 30 de gennàrgiu 2020 chi at abalorau sa epidemia de COVID-19 cumentu unu apretu de sanidadi pùblica de importu internatzionali;
- BIA sa delibera de su Cunsillu de is Ministrus de su 31 de gennàrgiu 2020 chi narat *“Decraratzioni de su stadu de emergèntzia ocasionau de su perìgulu sanitàriu alliongiau a sa lòmpera de patologias ocasionadas de agentis viralis cuntagiosus”*;
- BIA s'ordinàntzia de su Capu de su Dipartimentu de sa protetzioni civili n.630 de su 3 de friàrgiu 2020 chi narat *“Primas interbènnidas apretadas de protetzioni civili alliongias cun s'emergèntzia chi pertocat a su perìgulu sanitàriu alliongiau a sa lòmpera de patologias ocasionadas de agentis viralis cuntagiosus”*;
- BIU su decretu-lei n.19 de su 2020 a foras de s'art. 3, comma 6-bis, e de s'art. 4;
- BIU su decretu de su Capu de Dipartimentu de sa protetzioni civili n. 627 de su 27 de friàrgiu 2020 chi nòminat a su Presidenti de sa Regioni Sardigna, sugetu faidori de is interbènnidas cumentu in su OCDPC 630/2020;
- BIA sa de craratzioni de s'Organizatzioni mundiali de sa sanidadi de s'11 de martzu 2020 aundi s'epidèmia de COVID-19 est stètia valutada cumentu “pandemia” castiendi a is livellus de apestamentu e graidesa de lòmperu a livellu globali;
- BIU su decretu lei 17 de martzu 2020, n.18, chi narat *“Medidas de afortiamentu de su servitziu sanitàriu natzionali e de agiudu econòmicu po is famillias, is traballadoris e is impresas allongiadas a s'emergèntzia epidemiològica de COVID-19”*, bortau, cun mudàntzias, cun sa lei 24 de abrilu 2020, n.27;
- BIU su decretu-lei 25 de martzu 2020, n. 19, chi narat *“Medidas apretadas po infrentai s'emergèntzia epidemiològica de COVID-19”*, bortau, cun mudàntzias, de sa lei 22 de maju 2020, n. 35 e mudau torra de su D.L. n. 83/2020, in manera particolari is articulus 1 e 2, comma 1;
- BIAS is ordinàntzias contingibilis e apretadas de su Presidenti de sa Regioni Sardigna, sighendi s'art. 32, comma 3, de sa lei 23 de Mes'e Idas 1978, n. 833 a pitzu de igiene e sanidadi pùblica n. 2 de su 24.02.2020, n. 4 de su 08.03.2020, n.5 de su 09.03.2020 e noda sprigadora allongiada n. 2593 de su 10.03.2020, n. 6 de su 13.03.2020, n.7 de su 08.03.2020, n. 8 de su 13.03.2020, n. 9 de su 14.03.2020 e noda sprigadora allongiada n. 3EM de

su 16.03.2020, n.10 de su 23.03.2020, n. 11 de su 24.03.2020, 12 e 13 de su 25.03.2020, n. 14, 15 e 16 de su 03.04.2020, n. 17 de su 04.04.2020, n. 18 de su 07.04.2020, n. 19 de su 13 abrili 2020, n. 20 de su 2 de maju 2020 e noda sprigadora alliongiada, n. 21 de su 3 de maju 2020, n.22 de su 13 de maju 2020, n. 23 de su 17 de maju 2020, n. 24 de su 19 de maju 2020, n. 25 de su 23 de maju 2020, n.26 de su 29 maju 2020, n. 27 de su 2 de làmpadas 2020, n. 28 de su 7 de làmpadas 2020, n. 29 de su 14 de làmpadas, n. 30 e n. 31 de su 4 de Mes'e Argiolas 2020, n. 34 , n. 35 de su 15 de Mesi de Argiolas 2020, n. 36 de su 31 de Mes'e Argiolas 2020, n. 37 de su 9 de austu 2020, n. 38 de su 11 de austu 2020, n. 39 de su 12 de austu 2020 e n. 40 de su 13 de austu 2020;

BIU su decretu lei 16 de maju 2020, n. 33 chi narat "*Atras medidas apretadas po infrentai s'emergèntzia epidemiològica de COVID-19*" e publicau in sa Gazzetta Uffitziali n. 125 de su 16 de maju 2020, bortau, cun mudàntzias, cun sa lei 14 de Mes'e Argiolas, n. 74 e mudau torra de su D.L. n. 83/2020;

BIU su decretu lei 19 de maju 2020, n. 34 "*Medidas apretadas a pitzu de sa saludi, agiudu a su traballu e a s'economia, cumentu puru de políticas sotzialis alliongiadas cun s'emergèntzia epidemiològica de COVID-19*", bortau, cun mudàntzias, cun sa lei 17 de Mes'e Argiolas 2020, n.77;

BIUS is decretus de su Presidenti de su Cunsillu de s'11 de làmpadas 2020 e de su 14 de Mes'e Argiolas 2020 e is alliongiaus relativus;

BIAS is ordinàntzias de su Ministru de sa Saludi de su 30 de làmpadas 2020, de su 9 de Mes'e Argiolas 2020, de su 16 de Mes'e Argiolas 2020, de su 24 de Mes'e Argiolas 2020, de su 30 de Mes'e Argiolas 2020 e de su 1 de austu 2020;

BIU su decretu lei 30 de Mes'e Argiolas 2020, n. 83 "*Medidas apretadas alliongiadas cun sa scadèssida de sa decraratzioni de emergèntzia epidemiològica de COVID-19 deliberada su 31 de gennàrgiu 2020*" aundi si cumandat su perlongu de su stadu de emergèntzia finsas a su 15 de Mes'e Ladàmini 2020;

BIU su decretu de su Presidenti de su Cunsillu de is Ministrus 7 de austu 2020 e is alliongiaus relativus;

PIGAU ÀUTU de s'Ordinàntzia in sa dì 16 de austu de su Ministru de sa Saludi;

CUNSIDERAU su caminu de s'acontèssiu epidemiològicu, su carateri spratzinadori mannu de s'epidemia e su caminu de is acontèssius in totu su territòriu natzionali;

CUNSIDERAU chi is medidas sovrantzionalis de s'acontèssiu epidèmicu e s'imbordigamentu de medas sìtius in su territòriu natzionali faint arrechedi medidas chi potzant assegurai sa sighidura de is programas de profilassi apariciaus in sa sei internatzionali e europea, aconcendi is medidas biendi is specificidadis de su cuntestu territoriali imbordigau, arrespetendi is allegas de arrexonabilidesa, proportzionalidadi e aconciadura a s'arrisc presenti diaderus in su territòriu regionali;

BIUS is artìculus 12 de su DPCM 7 de austu 2020 numenau e 2, n. 3 de s'Ordinàntzia numenada de su Ministru de sa Saludi sa dì de su 16 de austu 2020, chi donant is cumandus previdius *“si impreant in is Regionis a statutu spetziali e a is Provìntzias autònomas de Trento e Bolzano de manera cumpatibili cun is Statutus insoru e is arrègulas de impreu chi ndi pertocant”*;

DONAU ÀUTU de is poderius primàrius donaus a sa cumpetèntzia regionali de sa Lei Costitutzionali 26 de friàrgiu 1948, n. 3;

ABETAU chi torrìnt aintru de is cumpetèntzias primàrias de sa Regioni Autònoma de sa Sardigna po cussu chi pertocat a is allegas imbordigadas in sa podesdadi cosa sua legisladora e aministrativa e, po issa, tochit a su Presidenti de sa Regioni Autònoma de Sardigna, puru cumentu Autoridadi Sanitària Regionali, carculai e scioberai is interbènnidas arrechedi po s'amparu de sa saludi pùblica;

BALUTAU in prus, s'apretu e sa indiferibilidadi de aconciai a is cunditzionis epidemiològicas torra mudadas in su logu, a amparu de sa saludi de is citadinus sardus po sa prebènnida e sa stringidura de sa spratzinadura in su territòriu de sa Regioni Sardigna de su COVID-19, sighendi s'art. 32 de sa lei 23 de Mes'e Idas 1978, n. 833 a pitzu de igiene e sanidadi;

CUNSIDERAU de depi impreai, cun ordinàntzia cosa sua, is medidas cautelaris arrechedi po podi impiticaì su perìgulu de sa spratzinadura epidemiològica de su virus Sars-CoV-2;

CUMANDAT

Art. 1) Funt arrèscias, a s'inforas o a intru, is atividadis de ballu chi acontèssant me is discotecas, salas de ballu e localis simbillantis distinaus a su spàssiu o chi funt in is lidus, stabilimentus de mari, prajas frunias, prajas liberas, logus comunus de is struturas arricidoras o in atrus logus obertus a sa genti, cumentu previdiu cun ordinàntzia de su Ministru de sa Saludi, spratzinada su 16.08.2020.

Intzaras, est pinnigada puru s'Ordinàntzia Presidentziali n. 38 de su 11 de austu 2020.

- Art. 2) Est fatu òbligu de is oras 18.00 finsas a is oras 06.00 in totu su territòriu regionali de impreai amparus de is bias respiradòrias a s'inforas puru, in is logus apresu de logus e localis obertus a sa genti cumentu puru in is logus pùblicus (pratzas, largus, bias, lungomari), aundi po is carateristicas fisicas siat simpri chi acontessint acorradas spontziadas e lestras puru.
- Art. 3) Su CFVA traballat in paris cun sa Politzia locali e is fortzas de s'òrdini po is atividadis de scrucullu e averiguadura de sa posta in menti de is cumandus de custia ordinàntzia.
- art. 4) Is cumandus de custia Ordinàntzia ocasionant is efetus cosa insoru de sa dì de su 17 de austu 2020 e finsas a su 7 de Cabudanni 2020, a foras de unu perlongu craru e a foras de atras inditaduras diferentis, a sa trevessa puru, chi si iant a depi amostai arrechedi castiendi a su caminu de sa curva de spratzinadura de su virus, chi at a essi scrucullau sempri po parti de is organus cumpetentis de s'aministratzioni e de is aziendas.

Custia Ordinàntzia est profetosa deretu e est publicada in su giassu istitutzionali de sa Regioni e in su B.U.R.A.S.

Sa publicatzioni tenit balori de notifica individuali, po totus is sentidus de sa lei, bia a totus is sugetus imbordigaos.

A foras chi su fatu no at a essi prus unu arreatu grai, sa farta de sighidura de is cumandus de custia ordinàntzia est smendada cumentu po lei (art. 4 de su D.L. n. 19 de su 25 de martzu 2020).

Custia ordinàntzia benit, in prus, imbiada sighendi is cumpetèntzias respetivas a su Presidenti de su Cunsillu de is Minsitrus, a su Ministeru de sa Saludi, a is Prefetus de is Ufitzius Territorialis de guvernu de Sardigna, a is Assessoris regionalis, a is aministradoris straordinàrius de is provìntzias, a su s'indigu de sa Citadi Metropolitana de Casteddu e a is s'indigus de is Comunas de Sardigna.

Cuntra de custia ordinàntzia est permìtiu su recursu giurisditzionali ainnantis de su Tribunali aministrativu Regionali in su tràmini de sessanta fiis de sa comunicatzioni, o puru su recursu straordinàriu anca su Cabu de su Stadu aintru de su tràmini de centubinti diis.

Christian Solinas

